

Funulugia

Ciculu 1

Amparà una filastrocca : **A me puppunuccia cara di Maria Antonia Salini.**

Ogettivi :

- Amparà una filastrocca. Stagliane e parolle. Cantalla cù garbu.
- Favuri a cuordinazione nutrice è cuntinivà a scumpertera di a persona
- Circà qualessi ponu esse i gesti d'accompagnamentu

A me puppunuccia cara

Chjara Stella, Stella Chjara

A me puppunuccia cara

Voli andà à spassighjà

A ghjucà è à cantà ?

Metti allora u cappuccinu

Micca u rossu ma u turchinu

Metti dinò i to guanti

Micca i neri ma i bianchi

È di u to mantellu ùn ti scurdà!

Chì fora u ventu t'hà da cutrà!

Maria Antonia Salini

Materiale :

U maestru purterà una puppona.

Fiure: un cappuccinu turchinu - un cappuccinu rossu – i guanti bianchi– – i guanti neri- un mantellu

Lessicu :

Una puppunuccia - un cappuccinu turchinu - un cappuccinu rossu – i guanti bianchi– un mantellu- u ventu

Mette- andà- spassighjà- scurdà – cutrà.

Strutture :

Metti u cappuccinu turchinu.

Metti dinò i to guanti / Ùn mette micca i guanti neri / Metti i guanti bianchi

Gesti d'appoghju :

Piglià una puppona in collu è azzicalla.

Veste a puppona cù i panni di a filastrocca : un cappuccinu turchinu - i guanti bianchi– un mantellu

Sbucinera :

- Travagliu cullettivu è individuale : **hè megliu à amparà a filastrocca in parechje volte.**
 - Dà a filastrocca à sente duie volte.(sana)
 - Di ogni filaru : di manera cullittiva po individuale à filaru sanu, à filaru scumpartutu. (prima metà).
 - Cantà ogni filaru : cù u versu senza e parolle, cù u versu è cù e parolle.
 - A maestra dice u principiu di u filaru, face di a fine da i zitelli.
 - A maestra canta u principiu di u filare, face cantà a fine.
 - A maestra face cantà un filaru à u zitellu.
 - Cantu cullittivu è individuale.
 - Si ripiglia di a listessa manera per a seconda metà.
 - Sapè caminà à u ritimu di a filastrocca è fà l'azione vulsute.
 - A maestra canta u principiu di u filare, face cantà a fine.
 - A maestra face cantà un filaru à u zitellu.
 - Cantu cullittivu è individuale.
 - Si canta tutta a filastrocca di manera cullittiva è individuale.